




太平御覽


三十八



内閣文庫		
番號	漢	1842
冊數	240 (38)	
函號	別	14 1







太平御覽卷第八十一

皇王部六

帝舜有虞氏

淺草文庫

史記曰虞舜名重華冀州人也作什器於壽丘就時於負夏舜
父頑母嚚第傲皆欲殺不可得即求在則舜耕歷山歷山之人
皆讓畔漁雷澤雷澤之人皆讓居陶河濱器皆不苦窳堯乃賜
舜絺衣與琴為築倉廩與牛羊舜舉八凱使主后土以揆百事
舉八元使布教于四海皐陶為大理民服其實伯夷主禮上下
咸讓禹主工師百工致功益主虞山澤開闢棄主農則不穀時

茂契主司徒姓和親龍主賓客遠人至與九韶之樂鳳凰來翔
舜年五十攝行天子事年五十八而老崩年六十一代堯踐帝
位踐位三十九年南巡狩崩于蒼梧之野葬於九疑是為零陵
帝王世紀曰舜姓也其先出自顓頊生窮蟬窮蟬有子曰敬
康生句芒有子曰橋牛橋牛生瞽瞍妻曰握登見大虹意感而
生舜於姚墟故姓姚名重華字都君龍顏大口黑色身長六尺
一寸有聖德始遷於夏於頃丘責於傳虛家本冀州每徒則百
姓婦之其母早死瞽瞍更娶生象象傲而父頑母嚚咸欲殺舜
能和諧大杖則避小杖則舜年二十始以孝聞堯以二安娥皇

女英妻之見舜於二宮設饗禮迭為賓主南面而問政命為司
徒太尉試以五典有大功二十帝眉長與髮等堯乃賜受以昭
華之玉老而命舜代已攝政明年正月上日始受終于文祖太
尉行事堯崩三年喪畢以仲冬甲子月次於畢始即貞以土戊
火色上黃乃詢四岳闕四門明四目達四聰東巡狩登南山觀
河渚受圖書表賜群臣尊伯禹稷契皋繇皆益地有苗氏負固
不服禹請征之舜曰我得不厚行武非道也吾前教由未也乃
脩教三年執于厥而舜之有苗請服立誹謗之木甲命九官十
二牧及爰戕朱虎熊羆等二十五人三載一考績黜陟幽明是

於俊又在官群臣后德讓百僚師以五采章施子五色之服
以六律五声人音協治蒸氏乃粒萬邦作又庶績咸熙乃作大
詔之樂肖韶九成鳳皇來儀擊石百獸率舞故孔子稱韶尽
美矣又尺善也景星曜於房群瑞畢臻得被天下初舜既踐帝
位而父瞽瞍尚存舜帝載天子車服而朝焉天下初舜既大之
故曰大舜都乎咸陽或營蒲坂為汭嬪子虞故因號有虞氏有
二妃元妃娥皇無子次妃女英生商均次妃登北氏生二女霄
明燭光有庶子八人皆不肖故以天下禪禹舜年八十一即真
八十三而薦禹九十五而使禹攝政攝五年有苗氏叛南征崩

于鳴條年百歲嬪以尾棺葬蒼梧九疑山之陽是為零陵謂之
紀而在今營道縣下有群象為之耕惟書虛唯聽曰有人方面
日衡重筆衡有骨表如日巴眉上曰握石推懷神珠推讀曰鍾
衡重筆童子
也握謂知玩幾王衡之道
懷神珠喻有至怡也西王母感受益地圖西王母西流知國也
在西方得北益地之
圖來 舜受終鳳皇儀黃龍感朱草生奠莢孳
尚書舜典曰慎徽五典以克從納于百揆以時序賓于四
門以穆穆納于大麓烈風雷雨不迷帝曰咨爾舜詢事考言
乃言爪可績三載汝陟帝位尚書帝命驗曰虞聖舜在則陋光

輝昱都握石權懷神珠
推讀曰鋪神
味喻聖性

尚書中候考河命曰帝舜曰朕維不人冀英浮着百獸鳳晨三

浮着萌牙百獸率
鳳皇司辰也

又曰若稽古帝舜曰重華欽翼皇象翼奉也象歷也舜敬奉皇
天之曆教七政得失也

又曰舜至于下稷榮光休至稷讀也側下之側西之
時休美也榮光氣也黃龍負卷

舒圖出水坎坤赤文祿錯錯分也文而以
祿色分其間

尚書太傳曰舜不登而高不行而遠

又虞夏傳曰維元祀巡狩四嶽八伯先治得義和今為只卿主
春夏秋各井掌方嶽之事

是為四嶽出則為
不後乃八置八伯壇四與沉四海祭水封有十二山肇十有二

州韓詩外傳曰昔舜醜盆無臙而功不以巧獲罪

待含神霧曰握登見大虹意感生帝舜大戴禮曰牽我曰請問

帝舜孔子曰蟠牛之孫瞽瞍之子也曰重華好學孝友聞於四

方陶家事親寬裕温良教而知時畏天而愛民恤遠而親世

以孝聞於天地三十在位嗣帝所五十乃死葬于蒼梧之野

孔記曰舜作五絃之琴以歌南風

又曰舜其大智也與德為聖人尊為天子富有四海之內宗廟

饗之子孫保之

又曰舜其大智也與舜好問而好察邇言隱惡而揚善執其兩

端用其中於民其斯以為舜乎邇近也言而善易以進人察而
行之也兩端與過不及也用其

中於以民賢其不肖皆能行之也斯也其得如此
乃善為舜之言充也

又曰子曰之後世雖有作者虞帝弗可及也矣居天下生無私

死不厚其子民如母父有惜恒之愛有中私之教礼舍文嘉

曰舜損已以安百姓樂動声儀曰孔子曰簫韶者舜之遺音也

温潤以和似南風之至其為音如寒暑風雨之動物如物之動

人雷動歎含風雨動魚龍仁儀動君子則色動小人言樂之動也深故舉

見事以為喻

春秋演孔圖曰舜目四童謂之重明承乾踵堯海内富昌童

子也踵猶履也履其祈行也

春秋運斗樞曰舜以大尉受號即位為天子五年二月東巡狩

至于中月與三公諸侯臨觀太尉公官名也唐虞五載一巡狩中日月半也臨觀河中或為丹以也

黃龍五形負圖出置舜前圖以黃玉為匣如橫長三尺廣八寸

厚一寸四合連有户此合檀紐之命改龍匣黃也四合者有損道相合也有五言可開闔白玉檢

黃金繩芝泥封兩端章曰文字曰四或為三

天黃帝符筆五字廣表各三寸深四分鳥文

舜與大司空臨侯望博等三十人集發大司空公官名臨侯國氏望博名圖玄

色而綈狀可舒卷長三十二尺廣九寸而如也三中有七十二

帝地形之制天文官位度之差

孝經授神契曰龍顏重童大口手握褒龍顏聚衆軀故有也骨表也重童取象雷

多精光也大口以象斗星又為天作喉舌握褒手中裏字喻徒勞苦起受褒歸致大位者也

論語曰舜有臣五人而天下治五人者禹稷契皋陶伯益

又曰無為而治者其舜也與夫何為哉恭己正南面而已矣為猶

安也言舜相堯去凶凶旋四門穆也

論語比考識曰堯舜等昂首山觀河渚有五老進於河渚相謂

曰河圖將來告帝期五老流星上八昂有頃赤龍負玉苞舒圖

出堯與大舜等共發曰帝當樞百則禪虞百年而禪與舜堯謂然歎曰

咨爾舜天之歷數在爾躬

孔叢子曰舜身六尺有奇面頰無毛亦聖也

朝子曰歷山農者侵畔舜往而耕者讓河濱漁者爭坻舜往碁

年而漁者讓長東夷之陶者欲舜往陶碁年器以宰

墨子曰堯舉舜於服之陽

孟子曰鷄鳴而起孳、為善者舜之徒也鷄鳴而起孳、為利

者跖之徒

又曰堯之於舜使其子九男事之、女、為百官牛羊食廩備

以養舜於畎之中而後舉之加諸上位

又曰舜生於諸馮遷於負夏卒於鳴條東夷之人也諸馮負夏鳴保皆地

名負夏在海東方夷人之地故也
曰東夷之人也

又曰舜之飯糗茹草也若將終身焉及其為天子也被袵鼓琴

二女果若固有之袵衣繪者也此言舜窮居之時若將終身及

其為萬乘之主被服繪繡若固常自所有也分定使之然也

又曰舜之居深山之中也與木石居與鹿豕遊其所以異於深

山之野人者機希舜耕歷山之時居山之閑鹿豕近人若共若人遊希遠也當此之時舜與野人相去豈遠哉

及其聞一善言見一善行若决江河沛然莫之能禦也

又曰舜流共工于幽州放驩兜于崇山殺三苗于三危殛鯀于

羽山四罪而天下咸服

又曰大舜有大焉善與人同舍己從人樂取於人以為善大舜虞舜

也孔子曰稱曰巍故曰大舜也有善大焉能舍己從人子路與禹同也自耕稼陶漁以至為帝

無非取於人者取諸人以為善是與人為善也

又曰天下悅而將歸已視天下悅而歸已有草芥也唯舜為然

舜不以天下歸已為樂兮泣于田也不得乎親不可以為人不得乎親不可以為

子舜及事親之道而瞽叟底豫瞽搜底豫而天下化瞽叟底豫

而天下之為父子者定此之謂大孝

又曰堯崩三年喪畢舜避堯之子於河南之南天下諸侯朝覲

者不之堯之子而之舜訟獄者不之堯子之而之舜謳歌者不

樞歌堯之子而謳歌舜曰天也夫然後之中國踐天子之位也

莊子曰羊肉不慕蟻，慕羊肉，羶舜有羶行，百姓悅之，故

三徙成都，至鄧之墟，十萬家，堯聞舜之賢，舉之童土之地。

章土不生

草之澤也曰冀德其來之澤。

舜來施思澤也

又曰舜讓天下於善卷，余立於宇宙之中，冬曰衣皮毛，夏

曰衣葛絺，春耕種，足以勞動，秋收歛，足以休食，日出而作，日入

而息，逍遙於天地之間，而心意自得，吾何以天下為悲？天子之

不知余也，遂不殺，接於是去，而入深山，莫知莫處。

又曰舜以天下讓其友，北人無擇，北人無擇，曰異哉！右之為人

也，居於畎畝之中，而遊已，又欲以辱行，汗漫我，吾羞見之，自投

清冷之泉。

尸子曰：舜兼愛，有姓務利，天下其田也，荷彼耒耜，耕彼南畝，與

四海俱有其利，雷澤也，旱則為耕者鑿瀆，儉則為獵者表虎，故

有光，若日月，天下婦之若父母。

又曰舜南面而治天下，太平燭於玉燭，息於永風，食於膏

火，飯於醴泉，舜之行，其有河海乎？千仞之溪，亦滿焉。由此觀之，

禹湯之功，不足言也。

又曰堯問於舜曰：何事？曰：事大。問任曰：任地，問何務？曰：務人。

又曰舜一徙成邑再徙成都三徙成國其治四方之士克聞其賢草茅之中與之語致至簡而易行與之語道廣大而不窮於是妻之以皇媵之以娥九子事之託天下焉

又曰舜云從道必吉交道必凶如景如響也

又曰舜事親養兄為天下法其遊也得六人曰雒陶方回續牙伯陽東不識秦不空皆一國之賢者也

又曰昔者舜兩眸子是謂重明作是成法出言成章

又曰舜舉三后而四死除何為飢渴寒暄勤勞鬪爭

又曰有虞之君天下也使天下貢善商周之君天下也使天下

貢則

公孫弘曰舜牧羊於黃河遇堯舉為天子

陸價新語曰舜藏黃金於斬巖之山捐珠玉於五湖之淵以塞滄邦之欲

淮南子曰舜之時共工振滔鴻滔漫之共工炎帝之後隨高以薄

空桑空桑地名在魯龍門未闢呂梁未發江淮通流四海洋溟民皆上

丘陵赴樹木舜乃使禹疏三江五海次伊闕尊理澗通溝洫注之東海鴻水漏九州乾萬民皆寧其性

又曰昔者舜耕于歷山歷山在濟陰成陽暮年而田者爭處硤磽以封

畔肥饒相讓也釣於河濱暮年而漁者爭處湍瀨湍疾以曲隈
深澗相與也

又曰舜作室築墻茨屋辟地樹穀令民皆蒼梧

又曰舜不降席而天下治

周生列子曰舜嘗駕五龍以騰唐衢武嘗服九駮以馳文塗此
上御也

徐氏中論曰小人耻其面不如子都君子耻其行不如舜禹

杜夷幽求曰以舜禹之登庸視孔氏之窮屬不以跛鱉之與晨

驥乎

符子曰舜禪夏禹於洞庭之野

呂氏春秋曰舜有子九人不予其子而授禹至公也風土記曰

舜東夷之人生於桃丘媯水之汭損石之東舊說言舜上虞人

也虞即位稽縣距餘姚七十里始寧上虞南鄉也後為縣桃丘

即桃丘方相近也今吳北亭虞濱丘小江裏復五十里封小江

北岸臨江山上立石所謂損石者也針角西南措俗乎為薦

公斲高石也

太平御覽卷第八十一

太平御覽卷第八十二

皇王部七

夏帝禹

帝太康

帝相

寒足

帝宁

帝芒

帝不降

帝啓

帝仲康

有窮后羿

帝少康

帝槐

帝泄

帝局

帝堯

帝孔甲

帝皐

帝發

帝桀

夏帝禹

史記曰夏帝禹名曰文命禹之父曰鯀鯀之父曰帝顓頊之父曰昌意々々之父曰黃帝々堯之時洪水滔天浩浩懷山襄陵下民其憂堯其求能治水者群臣四嶽皆曰鯀可治水無狀乃殛鯀於羽山堯崩舜問四嶽曰有能成堯堯之事者使居官皆曰伯禹為司空可成堯堯之功舜命禹汝平水土維是勉之禹

拜稽首讓於后稷皐陶舜曰女其往視爾事矣禹為人敏給克

勤其德不違其仁可親其言可信禹遂與益后稷奉帝命諸侯

百姓與人徒以敷土行山表木定高山大川禹傷先人之功不

成受誅乃勞身焦思居外十三年過家門不敢入陸行乘車水

行乘船泥行乘橇孟曰橇刑如箕橋行水上如淳曰橇音茅蒺謂以板置泥上以通行路也山行乘

橇徐廣曰橇音立楚天處淳曰橇車謂以鉄如雖

長半寸施之履不開九州通九道陂九澤度九山舜崩三年喪

畢禹避舜之子商均於陽成天下諸侯皆去商均而朝禹禹於

是遂即天子位南面朝天下國號曰夏后姓如氏娶塗山氏之

女生子曰啓禹東巡狩至于會稽而崩帝王世紀曰伯禹夏后
氏姁姓也母曰修己見流星貫昴夢接意感又吞神珠意欲胃
折而生禹於石紐虎軀大口兩鼻耳叅鏤首戴鈞鈞鈐有玉
斗足文履已故名文命字高密身九尺二寸長於西羌夷人初
禹未登用之時父既降在昏庶有聖德夢自洗於河觀於河始
受圖括地象也圖言治水之意西嶽舉之舜進之堯堯命為司
空繼鯨治水乃勞身勤若不重徑尺之壁而愛日之寸陰手足
胼胝又納禮賢士一沐三握髮一食三吐食堯美其績乃賜姓
姁氏封為夏伯故謂之伯禹天下宗之謂太禹年二十始用三

十二而洪水平年百歲崩于會稽因葬會稽山陰之南今山上
有禹冢井祠下有群鳥耘田修紀或云修己未詳

河圖握捭起曰帝命伯禹曰告汝九術五勝之常可以克之汝
能從之師徒將興雖書虛淮聽曰有人謂禹也大口耳吞漏足履

已漏空也成己土之日故當平水上故以為名也載成鈴有骨表如鈞鈐懷玉斗懷症璣玉

以為有里子。書曰禹別九州分華隨山濬川任土作

貢任其土地所有慮賦又曰正月朔旦受命于神宗受舜終串之命神宗又率百官若

帝之初舜初揖帝

尚書帝命驗曰禹白帝精以星感星金精也修紀山行見流星意感

栗然生如戎文禹栗然感免如禹代禹生戎地一名竣命

尚書旋璣欽曰禹開龍門尊積石次岷山治九負龍門積石山名貢功也治

九州又曰禹開龍門尊積石出玄珪上刻曰延喜王受德天賜

佩禹功既成天出玄珪天賜之者以德佩禹有治水功者必佩以玄玉

尚書中侯曰伯禹在庶伯官攻禹号也因為得益庶玄人也四嶽師舉薦之帝克四嶽

四方諸侯也師衆也薦進也握括命不試爵授司空禹握括地象上已命之故不復試以衆官司

空於周為冬仰掌制國之五伯禹稽首讓于益婦稽首拜豆至手益婦賢者

老臣婦讀曰帝曰何期若真何不听讓之斯此也若汝也此汝真其人出爾命圖

示乃天尔汝也禹方讓隱之故言出汝所天命也圖活地象示讀日祇、灵也乃天使汝治之非我也

伯禹曰臣觀河百面長人魚身出曰吾河精也觀河、於河水也

授臣河觀帶足入淵河圖謂結地象帶去足也音帶伯禹拜辭禹將行救拜去

詩含神霧曰禹之與黑風會紀黑力黑也風、后也並黃帝臣復神伯禹當斯而至也

礼曰禹立三年百姓以遂焉

大戴礼曰宰我曰請問禹孔子曰高陽之孫鯀之子曰文命敏

給克濟其德不回其仁可親其言声為律身為度左準繩右規

炬履四時據四海平九州載九天明耳目治天下

礼含文嘉曰禹卑宮室垂意於溝洫百穀用成神龍至虛龟服

玉女敬養天賜妾。傳曰禹會諸侯於塗山，執玉帛者萬國。

春秋孔演圖曰：天命之見，侯期門虛，龜穴庭，玄龍御雲。靈龜也

穴庭者，星入太微門，玄龍水精也。術云者，蓋此召氣也。

春秋元命苞曰：禹之時，民大樂其駢三聖相繼，故樂名大夏也。

孝經鈞命次曰：命星貫昂，脩紀夢接生禹。命使之星，貫流行之星也。

道甲開山圖曰：禹游於東海，得玉碧色一尺二寸，光如日月，自

昭達幽冥。

揚雄蜀王本紀曰：禹本汝山廣柔縣人，生於石紐，其地名痢兒

畔，禹母吞珠孕禹，圻囑而生於縣塗山，娶妻生子啟，紀年曰禹

立四十五年

語曰：子曰禹吾無間然矣。孔子推禹功德之盛也，言不非飲食而

致孝乎鬼神。焉融曰：非薄也，致孝鬼神祭祀豐潔也。惡衣服而致美乎敝冕。孔安

損其常服以盛祭祀。卑宮室而尽力乎溝洫。也曰方里為井，四尺十里為城，中

有洫，洫深廣八尺也。符子曰：禹讓天下於奇子，曰：君言佐舜勞

矣，鑿山川通河漢，首無髮，眼无毛，故舜也以勞報子，我生而逸

不能為君之勞矣。

越絕書曰：禹始憂民，救水到大越，於茅山大會稽，爵有功更名

茅山，謂之會稽及其王矣。巡狩大越，吳越春秋曰：禹娶黃帝中

見經聖人所紀曰在九疑山南東天柱号曰宛委承以文玉覆以盤石其書簡青玉為字編以曰銀禹乃東巡狩登衡山求之卧見赤繡衣男子自称玄夷倉水使者來侯禹令禹齋三月更求禹乃齋三月登苑委山取得書通水經遂周行天下使益流記之名曰山海經

又曰舜崩禹服三年朝夕号泣形骸枯槁面目黎黑十州記曰禹治洪水畢乃乘驕車到鍾山祠上帝於北河婦大功于九天禹經諸侯五岳使工刻石識其里數高下其字科書非漢人所了諸名山亦然

鬻子曰禹治天下也以五声听門懸鼓鍾鐸磬而置鞀於箕麓曰教寡人以道者擊鼓教寡人以義若鼓鍾教寡人以事者振鐸語寡人以憂者擊磬語寡人以獄訟者揮鞀此人謂五声是以禹賞據饋而七起日中不暇食於是四海之士皆至
隋巢子曰昔三苗大亂天命殛之夏后受之太神降而輔之司祿益食而民不飢司金益富而國家司命益年而民不夭四方婦之

莊子曰昔者禹堙洪水親自操橈耜而滌天下之川服无跋胫无毛沐甚雨御疾風置萬國與大聖也而形勞天下如此使後

世之墨者多以裘褐為衣以展橋為服曰夜不依自以為極曰不如能此非禹道也不足謂墨。孟子曰書曰降水警余降水

者洪水也書曰逆篇也水逆行降洞元使禹治之禹掘地而注之海

驅蛇龍而放道水由地中而行江淮河漢是也險阻既遠鳥獸

之害人者消然後人得平土而居之先使禹治水皮通九州故曰掘地而注之海也但澤生草

者也今青州為澤有草者為沮水流於地而去也民下高就平書故曰險阻遠也水去故鳥獸害人者消也

尸子曰禹長頸鳥喙面兒亦惡天下從而賢之好學也

又曰古者龍門未闢呂梁未鑿禹於是疏河決江十年不闕其

家生偏枯之病步不相過人曰禹步墨子曰禹葬衣食三領桐

棺三寸葛以繡補唐切之下不及泉水不通臭既葬收餘壤為壘

若叅耕之畝

韓子曰禹之王天下也身執木耒畚為以民先服无完睮体无生

雖臣虜之勞不若於此矣

呂氏春秋曰禹年三十未娶行塗山恐時暮失制乃娶塗山女

又曰禹南濟乎江黃龍負舟中之人恐懼禹仰而笑曰受命

於天竭力以濟生人受命天也奈何憂於龍焉龍弭耳底尾而逃

又曰昔者禹一沐而三握髮一食而三起以礼有道之士通乎

己之不足通乎己之不足則不與物爭矣

又曰禹之決江水也民聚危磔及其事已成已立為萬世利禹之所見者遠也而民莫之知

賈誼書曰禹帝晝不暇食而食不暇寢方是時憂務民也

淮南子曰昔者鯨作三仞之誠諸侯倍之禹知天下叛之乃壞城平地散財物禁甲兵施之以德海外賓服四夷納職

又曰禹沐淫雨擲疾風決江疏河鑿龍門闢伊闕修彭蠡之防乘四載隨山測水平治水土定千百八國夙興夜寐以致聰明輕賦薄歛以寬民布德施惠以振困窮吊死問疾以養孤霜百姓親附政令流行

又曰禹為水以身解於陽肝之河

解禱也陽肝河在秦

又曰堯之時天下大水禹身執畚鍤以為民先疏河而導九支支鑿江而通九路辟五湖而定東海

又曰禹之趨時冠桂而不顧履遺而不取

冠有所桂着去不暇顧視

非爭其

先也爭得其時也

說苑曰禹見罪人下車問而泣之左右曰夫罪人不順道故然焉君王何為痛之至於此也禹曰堯舜之民皆以堯舜之心為心今吾為君百姓皆以其心為心是以痛之

抱朴子曰禹乘二龍郭友為馭

黃帝玄女兵法曰禹問於風后曰吾聞黃帝有負勝之圖六甲
陰陽之道今安在乎風后得曰黃帝藏會稽之山下其坎深千
丈廣千尺鎮以盤石致難得也禹北見六子問海口所出禹乃
次江口鳴角會稽龍神為見玉匱浮禹乃開而視之中有天下
經十二卷禹未及持之其四卷飛上天禹不能得也其四卷復
下破池禹不極能也禹得中四卷開而視之乃魏陳王曹植夏
禹贊曰于嗟夫子極世濟民克卑宮室致孝鬼神蔬食薄服統
冕乃新厥德不回其誠可親豐其德濕濕其仁尼稱無問何德
之純

又禹治水贊曰嗟夫夏禹寔勞水功西鑿龍門疏可導江梁岐
既闢九州以同天賜玄圭奄有萬邦又禹渡河贊曰禹濟于河
黃龍乘船舟人並懼禹歎仰天子受天運動功恤民死亡命也
龍聞弭身度信禹渡江贊曰二江初鑿九谷新城風也飛顛涌
水起龍驚樂天知命無待憂生危舟遂靜亂機還平

帝啟

婦藏曰昔夏后啟筮享神於大陵而上鈞臺叔占臯陶曰不吉
史記曰昔夏后啟筮乘龍以天子占於臯陶，，曰而必同與
神交通以身為帝以王四鄉

又曰啓禹之子其母塗山氏之女也扈氏不服啓伐之大戰於
其誓遂滅有邑氏天下咸歸

山海經曰大樂之野夏后啓於此無九伐馬乘兩龍雲蓋三層
左手操翳右手操灋珮玉橫在火運。山北一曰大道之野

帝王世紀曰啓討后十年舜九韶三十五年征河西

又曰帝啓一名建一名餘德教施于四海貴爵而上茲養國老
於東序養庶老於西序在位九年年八十餘而崩矣。越絕書
曰禹崩啓立曉知王事達君臣義

呂氏春秋曰夏后伯即啓也與有扈戰於甘澤而不勝六卿請
復之夏后伯曰可以吾地不淺吾民不寡我而不勝是吾德薄
而教不善也於是乎處不重席食不二味琴瑟不張鍾鼓不脩
子女不飾親：長：尊賢使能春年而有扈氏服故欲勝人者
必先自勝矣

帝太康

書曰太康尸位以逸豫滅得黎民咸二乃盤遊無度略于有洛
之表十旬不反有窮后羿距于河厥弟五人御其母曰從篠于
洛之汭五子咸怨述大禹之戒以作歌其一曰皇祖有訓民可
近弗可下

皇君也君祖禹有訓戒也近謂
親之下謂失人者也
民惟邦本：固邦寧人

君當國民 予視天下愚夫愚婦一能勝予 言能敬謂小民所一德

以安國也 一人三失怨豈有明不見是國 三失過非一也不見 予臨兆民慄

乎若朽索之馭六馬 十五日億十億曰兆言多也驕色兒朽腐也朽腐

為人者柰河不敬 能敬則不驕在上 其二曰訓有之內作荒外作

禽荒 作爲也迷亂曰荒色 其酒嗜音峻宇彫牆 其嗜无厭足也峻

有一于此未或不亡 此者棄德之君有其一必 其三曰惟彼陶唐

有此冀方 陶唐帝尧氏都冀州 今失厥道亂其綱乃底滅亡 言

堯之道亂其亂制 其四曰明之戒祖萬邦之君有典有則胎厥

子孫 典謂經籍則法貽遺 閔石和鈞王府則有荒墜厥緒履宗絕

祀 金鉄曰石供民器通之使和平則官民足言古 其五曰嗚呼曷

歸予懷之悲 曷何也言 萬姓仇予 將疇依藝陶乎予心顏

厚有忸怩弗慎厥德雖悔可道 言人君行也不慎其德也連滅敗

帝王世紀曰太康無道在位二十九年失政而崩

帝仲太康

書曰惟仲康肇位四海胤侯命掌六師羲和廢厥職酒荒于厥

邑胤后承王命祖征 羲和廢其職官遷其和色以酒迷亂仲康命徵

帝相

紀年曰帝相即位處商丘元年征淮夷二年夙夷及黃夷口帝

王世紀曰帝相一名相安自太康己未夏政凌遲為羿所逼乃
徒商丘依同姓諸侯斟灌斟尋民羿遂襲帝號是為羿帝

有窮后羿

帝王世紀曰羿有窮氏未聞其姓其先帝嚳以世掌射故於是
加賜以弓矢封之於鉏為帝司射歷唐及虞夏至羿學射於吉
甫其辭佐長故亦以善射聞與吳質北遊使羿射省左目羿引
弓射之誤中左目羿俯首而愧終身不忘故羿善射至今稱及
有夏之衰羿自鉏廷于窮石因夏民之不附以代夏政逼篡帝
位故號窮氏

傳曰昔有夏之方衰也后羿自鉏廷于窮石因是民

以代夏政恃其射也不脩其事而淫于原獸棄武羅伯因熊羆

兪圉四子皆羿之賢者而用寒浞土浞寒浞伯明氏之諛子弟也伯明后

寒棄之夷羿收之信而使以為己相浞行媚于內而施賂于外

愚弄其民而娛羿于田樹之詐匿以取其國家內外咸服羿猶

不悛將婦自田家衆殺而烹之以食其子食羿其子不忍食諸

死于窮門殺之於國門靡奔有鬲氏靡夏遺者有鬲臣事羿同名浞因羿室生澆

五及豷音處恃其說匿詐為而不德于民使澆用師滅斟灌及

斟尋氏二國夏同姓諸侯仲康子之後相所衣處澆于過處豷于戈過戈二國名靡自

有甬氏收二國之墟以滅浞而立少康，少康浞于過后杼滅
豷于戈。后杼少康子有窮由是遂亡

寒浞

帝王世紀曰寒浞有窮氏既篡羿位復襲有窮之豸浞因羿
之室生澆及豷多力能陸地盪舟浞使率師滅斟灌斟尋氏殺
夏帝相於過封豷於戈恃其詐力不恤民事初夏之殺帝相也
姒有仍氏女曰后緡方娠逃出自豆歸于有仍生少康焉初夏
之遺臣曰靡事羿，死逃命有高氏收斟尋二國餘燼殺寒浞
而立少康

帝少康

傳曰昔有過澆殺斟灌以伐斟尋。澆寒浞子封於過滅夏后相后緡方

娠逃出自豆。后緡相妻也歸于有仍生康焉為仍牧正。牧正澆使之長

椒求之逃奔有虞為之庖正虞思於是妻之以二姚。思有虞君也自以二

女妻少康而邑諸綸綸虞有田一成有衆一旅。方十里方成五百人為依能布

其德而逃其謀也。兆如以收夏衆撫其官職遂滅過戈復禹之績

紀夏配天不失舊物

魏高貴鄉公少康漢高論曰少康生於滅亡之後降為諸侯之
謀崎嶇巡難僅以身免能布其德而兆其謀卒滅過戈克復禹

績非至德弘仁豈濟斯動一漢祖因土崩之勢專任智力以成
功業為子則數危其親為君則因擊賢相身沒之後社稷幾傾
君與少康易時而處或未能復大禹之績矣
又曰論三代之世任德濟勲如彼之難秦項之際任力成功如
此之易且太上立德其次立功就令漢祖功高未若少康盛德
之茂也

帝字直呂

紀年曰帝宁居原自遷于老王

帝王世紀曰帝宁一号后予或曰公孫曼能率禹之功夏人報

祭之在位十七年

帝槐

紀年曰后芬立四十四年

帝王世紀曰帝芬一名帝槐或曰祖武在二十六年

帝芒

紀年曰后芒即位元年以玄珪賓于河東狩于海獲大魚后芒

陟位五十八年

帝王世紀曰帝芒一名和或曰帝芒

帝泄

帝王世紀曰帝世一名帝世或曰世宗在位十六年

帝不降

紀年曰不降即位六年伐九苑六十九年

其弟立是為帝局

帝王世紀曰帝不降一名帝降或曰北成

北字或作江字

帝局

帝王世紀曰帝局一名帝禹或曰高陽在位二十一年

帝塵

音近

紀年曰帝塵一名胤甲即位居西河天有祚孽十日並出

帝王世紀曰帝塵一名項或曰董江在位二十年

帝孔甲

傳曰昭二十九年秋龍見于絳郊晉魏獻子問於蔡墨曰古者

國有養龍氏及有憂孔甲擾子有帝

擾順也其德能順于天

帝賜之乘龍

河漢各二

四豆為乘各二乘十六豆

各有雌雄

史記曰帝孔甲立好方鬼神事淫亂夏后氏德衰諸侯叛之天

降龍二有雌雄孔甲弗能食味得養龍氏陶唐既衰其後有刘

累學擾龍于養龍氏之事孔甲賜之姓曰御龍氏

漢書曰孔甲作盤盂銘三十六篇

刘山傳曰師門為夏孔甲龍師孔甲不能修其心意殺而埋之

外野一旦風雨迅之紀則山木皆焚孔甲祠而禱之未還而道死
呂氏春秋曰夏候后孔甲于東陽質山天大風悔孔甲迷入民
室主人方乳乳產也咸言後未是良日子誰敢殃之長成人幕動
折掩斧破斬足遂為守者以其無門足為守門之官乃作破斧之歌

帝皐

紀年曰后昊立三年帝皐也

帝王世紀曰帝皐一名皐局

帝發

紀年曰后發一名后啟或曰發惠其子立為桀

帝桀

婦截曰昔桀伐唐而板占於營、或曰不吉不利出往唯利安
處彼狸為鼠

書曰伊尹相湯伐桀弁自師遂與桀戰于鳴條之野尚書帝命
驗曰桀失其玉鏡用其噬虎玉鏡喻清明之道噬虎喻暴虐之風尚書帝

命候曰夏桀無道殺閔龍逢絕滅皇圖壞亂歷紀皇天也紀網紀也天之圖歷
龍逢引以保桀也殘賊天下刑法峻也賢人遁逃辟時也淫色慢易男女無別不事

祖宗

韓詩外傳曰桀為酒巴可以運舟糟丘足以望十里家語曰

夏桀昆吾斬刈黎民如草木焉天下討之如尺夫

史記曰自孔甲以來諸侯多叛夏桀不務德而虐傷百姓百姓不勤迺召湯而囚之夏臺也而澤之陽修德諸侯皆歸湯遂率兵以伐夏走鳴條於而死

紀年曰后桀命扁伐山民々々女于桀二人曰琬曰琰桀愛二人女無子焉斲其名于若華之王若華是琬華是琰而棄其元妃于洛曰妹喜桀傾宮飾瑤臺作瓊室立玉門湯遂滅夏桀逃南巢氏自禹至桀七十世有王與無王用歲四百七十一年帝王世紀曰帝桀淫昏有才力能伸鈞索鉄手搏熊虎多求美

女此充後宮為瓊室瑤臺金柱三千始以危為屋以望雲雨大進珠儒倡優為爛漫之樂設其為之戲縱靡々之聲日夜與妹

喜及宮

女飲酒常置美喜於膝上妹喜好聞裂繒之聲裂為殘裂繒以順適其意以人駕車肉山脯抃以為酒池一鼓而牛飲者三千餘人醉而弱水以虎入市而視其驚伊尹舉觴造桀諫曰君王不聽群臣之言亡々而日矣桀聞言折咿然嘆曰子又欲言矣天之有日由吾之有民日亡吾乃亡也兩日間蝕鬼乎於國桀醉不寤湯來伐桀以己卯日戰于鳴條之野桀未戰而敗績湯

追至大涉遂禽桀於焦放之歷山乃與妹喜及諸嬖妾同舟浮海奔于南巢之山而死

博物志曰夏桀之時為長夜飯官深谷中男女雜處三旬不出不聽政

太公六韜曰桀時有瞿山之地桀十月鑿山陵通之於河氏有鍊者曰冬鑿地穿山是發天之陰泄上之氣天子從必敗桀以祆言殺之

管子曰桀女樂三萬人晨澡聞於衢服文繡衣裳

莊子曰桀之治天下也使天下人瘁為人若其姓是不愉也

墨子曰昔夏桀貴為天子富有天下勇力之人生裂兕虎指畫殺人

王孫書曰桀紂為君從愚妾之言違長者之諫溫而忘百姓之寒良美而忘天下之飢或身放南巢或頭懸赤旗斯亦無他也但不節財而暴民也

尸子曰伯夷叔濟餓死者首陽無地故也桀於歷山紂殺於高官無道故曰有道無地則餓有地無道則亡

又曰昔者桀紂縱欲長樂以若百姓珍恠遠未必南海之章北海之監西海之菁東海之鯨此其禍天下亦厚矣

又曰昔夏桀之時至德滅而不揚帝道掩而不興與舉也客臺振

而掩覆客臺行礼客之室言不能行礼故夫大振動而覆敗大羣而入泉言將滅壞大夫主故候入朋一說大

福福嘉御數而席隩嘉衍冠席入禊內言嘉福勇声吞炭内闌尔而歌勇声見世衰故

將滅故吞炭自敗音聲開氣而不歌飛鳥斂翼走獸次蹄斂翼殘次致寒也言樂元直由佩為鳥獸

悉彼劇殘翼疵脂山無峻幹澤無佳水峻幹美財佳水清水言入山澤不以時故

又曰桀為琤室瑤臺象廟玉牀琤瑤石之次王也象才取室也權天下雪百姓

於是湯以革車三百乘伐于南巢南巢芦江居巢收之夏宮天下寧

定百姓和輯

譙周法訓曰桀紂雖有天下之位而無一人之譽也猶朽木枯樹

逢風則仆也

袁子正書曰桀紂有民左億之衆四岳三塗之險京山中南之固及在鳴條之野一朝而失天下

符子曰桀觀炮烙於瑤臺謂龍逢曰樂乎龍逢曰樂桀曰觀刑

曰樂何無側恒之心焉曰天下若之而君為樂臣為君股肱熟

有心悅而股肱不悅乎桀曰听子諫、得我功之不得戒刑之

龍逢曰觀君冕非冕也免危石也臣觀君履也非履也履春冰

也未有寇危石而不壓踏春冰而不陷桀歎曰子知戒之亡而

不自知亡子就炮烙之刑吾觀子亡知戒不亡尤逢行歌曰造

化勞戒以主休我以炮烙乃赴火而死禹至桀合九十帝

淮南子曰桀之力剔脔伸鈎角脔索鉄推移大戲大戲軍水殺

鼉陸捕熊羆然革車三百乘困之鳴條鳴條全陳州平丘地禽之焦門

太平御覽卷第八十三

太平御覽卷第八十三

帝王部八

殷帝成湯

帝外丙

帝仲壬

帝太甲

帝沃丁

帝太庚

帝少甲

帝雍巳

帝太戊

帝仲丁

帝外壬

帝河亶甲

帝祖乙

帝祖辛

帝沃甲

帝祖丁

帝南庚

帝陽甲

帝盤庚

帝小辛

帝小乙

帝武丁

帝祖庚

帝祖甲

帝康辛

帝庚丁

帝武乙

帝太丁

帝乙

帝紂

殷帝成湯

史記曰殷之祖契音薛母曰簡狄有娥氏之女為帝嚳次妃三人
 行浴見玄鳥墮其卵簡狄取吞之因孕生契長而佐禹治水
 有功舜乃命契曰百姓不親五品不遜汝為司徒而敬敷五教
 五教在寬封於商賜姓子氏契興於唐虞大禹之際功業著於
 百姓百姓以平契卒子昭明立昭明卒子相土立相土卒子昌

立昌若卒子曹圉立曹圉卒子真立真卒子振立振卒子微立
 微卒子報丁立報丁卒子報乙立報乙卒子報丙立報丙卒子
 壬立壬卒子主癸立主癸卒子天乙立是為成湯帝王世
 紀曰成湯一名帝乙豐下銳上指有腍偃身而揚聲長九尺臂
 四肘有聖德諸侯有不義者湯從而征之誅其君吊其民天下
 咸服故東征則西夷怨南征則北狄怨曰奚而後我故仲虺誥
 曰僕我后后来其蘇也凡二十七征而德施於諸侯及夏桀無
 道湯使人哭之桀囚湯於臺而後釋之諸侯由是咸叛桀附湯
 同日貢職者五百國三年而天下悉服湯自代桀後大早七年

洛川竭使人特三足鳥祝於山川曰懲不節即使民疾耶苞苴
行耶讒夫昌耶宮室營耶女謁行耶何不雨之極也殷史卜曰
當以人禱湯曰吾所為請雨者民也若必以人禱吾請自當遂
齋戒剪髮斷爪以已為牲禱於桑林之社也唯予小子履敢用
玄牡告於上天后土曰萬方有罪在朕躬朕躬有罪無及萬
方無以一人之不敏使上帝鬼神傷民之命言未已而大雨至
方數千里可圖曰扶都見白氣貫月感生黑帝湯雉書靈淮聽
曰黑帝乎湯長八尺一寸或曰七尺連味廷臂二肘春秋元命
包曰湯臂二肘是謂神剛又曰湯之時其民大樂其求之於患

害故樂名大護者救也尚書璇璣鈴曰湯受金符錄曰琅衡
鈎入殷朝尚書中候曰天乙在亳諸隣國極負歸德東觀乎洛
降三分沉璧退立榮光不起黃魚雙躍出濟于壇黑鳥以雉隨
魚亦止化為黑赤王勒曰玄精天乙受神福代及克三年天下
悉合又曰玄鳥翔水遺卯丁流城蘭拾吞生契封商書曰伊尹
相湯是也升自陟遂與桀戰于鳴條之野又曰自契至于成湯
八遷湯始居亳從先王居尚書大傳曰湯之君民聽寬而欲省
又曰夏人飲酒醉者持不醉者不醉者持醉者相和而歌曰盍
歸于亳亳亦大矣故伊尹而退間居深聽樂深更曰覺兮較兮

吾大命格方去不善而就善何樂方伊尹入告于桀曰天命之
亡有日矣桀啞然笑曰天之有日猶吾之有民也日亡吾亦亡
矣是以伊尹遂去夏適湯又曰湯放桀也居中也士民皆奔湯
桀與其屬五百人南徙千里止於齊士民往奔湯桀與其屬
五百人徒於魯士民復奔湯桀曰國君之有也吾聞海外有
人與五百人俱去

帝外丙

史記曰帝外丙即位二年崩立外丙之弟是為帝仲壬紀年曰
外丙勝居亳

帝仲壬

史記曰帝仲壬即位四年崩伊尹乃立太丁之子太甲太甲成
湯適長孫也瓌語曰仲壬四年崩伊尹放太甲

帝太甲

史記曰帝太甲既立三年不明暴虐不遵湯法亂德尹放之桐
宮伊尹攝行政當國以朝諸侯太甲居桐三年悔過責自及善
於是伊尹乃迎太甲而授之政太甲脩德諸侯咸歸殷百姓以
寧伊尹嘉之乃作太甲三篇褒帝太甲稱太宗尚書曰太甲既
立不明伊尹放諸桐三年復歸于亳思庸帝王世紀曰太甲反

位又不怨故更尊伊尹曰保衡即春秋傳所謂伊尹放太甲卒
為明王是也太甲脩政殷道中興號曰太宗孔叢所謂憂思三
年追悔前愆起而即政謂之明王者也一名祖甲享國三十三
年年百歲帝王紀曰桐宮蓋殷之墓地有離宮可居在鄴西南
杜預春秋後序曰紀年稱殷仲壬即位居亳其鄉士伊尹放太
甲于桐乃自立伊尹即位於太甲七年太甲潛出自桐殺伊尹

帝沃丁

史記曰帝沃丁之時伊尹卒既葬伊尹於亳咎單遂訓伊尹事
作沃丁紀年曰沃丁絢即位居亳帝王世紀伊尹卒大霧三日

沃丁葬以天子禮資之三年以報大德

帝太庚

史記曰帝太庚在位二十五年崩子帝小甲立紀年曰小庚辯
即位居亳

帝小甲

史記曰帝小甲在位十七年崩弟雍巳立紀年曰小甲高即位
居亳

帝雍巳

史記曰帝雍巳在位十二年崩弟太戊立紀年曰雍巳仲即位

居毫

帝太戊

書叙傳曰伊陟相太戊毫有祥桑穀共生于朝詩序曰烈祖祀中宗也嗟嗟立祖有秩斯祐史記曰帝太戊立毫有祥桑穀共生於朝一暮大供帝太戊懼問伊陟伊陟曰臣聞妖不勝德帝之政其有闕歟帝其修德太戊從之而祥桑枯死而去殷復興諸侯歸之故稱中宗中宗在位七十五年崩子仲丁立

帝仲丁

史記曰帝仲丁遷於敖河亶甲居相祖乙遷于耿帝仲丁在位十一年紀年曰仲丁即位元年自毫遷于囂帝王世紀曰仲丁即位元年陟囂或曰教今河南之教倉事也

帝外壬

史記曰帝外壬在位一十五年崩弟河亶甲立紀年曰外壬居囂

帝河亶甲

書叙傳曰河亶甲居相史記曰帝河亶甲時殷復衰河亶甲在位九年崩子帝祖乙立紀年曰河亶甲整即位自囂遷于相征藍夷再征班方

帝祖乙

書敘傳曰河亶祖乙圮於耿史記曰帝祖乙立殷復興王賢任職祖乙在位十九年紀年曰祖乙勝即位是為中宗居庇帝王世紀曰帝祖乙以乙日故謂之帝乙孔子所謂世五之外天之賜命疏可同名者也是以祖乙不為諱蓋殷禮也

帝祖辛

史記曰帝祖辛在位十六年崩弟沃甲立

帝沃甲

史記曰帝沃甲在位二十五年崩立祖辛之子祖丁紀年曰帝

開甲踰即位居庇

帝祖丁

史記曰帝祖丁在位三十二年崩立沃甲之子是謂南庚紀年曰祖丁即位居庇

帝南庚

史記曰帝南庚在位二十九年崩立祖丁之子陽甲紀年曰南庚庚自庇遷于庵

帝陽甲

史記曰帝陽甲之時殷衰自仲丁以來廢嫡而更立諸弟子第

子或爭相代立比九世亂諸侯莫朝帝陽甲在位七年崩弟盤
庚立紀年曰陽甲即位居亳

帝小辛

史記曰帝小辛立殷道復衰百姓思盤庚乃作盤庚三篇小辛
在位二十一年崩弟小乙立紀年曰小辛頌位居殷

帝小乙

史記曰帝小乙在位二十八年崩子武丁立紀年曰小乙歛居

殷

帝祖庚

史記曰帝祖庚在位七年崩弟祖甲立紀年曰祖庚確居殷

帝祖甲

史記曰帝祖甲淫亂殷復衰在位十六年崩子廩辛立紀年曰

帝祖甲載居殷帝王世紀曰春秋外傳所謂玄王勒商十有四

世帝祖甲亂之七世而隕是也

帝廩辛

史記曰帝廩辛在位六年崩弟庚丁立紀年曰廩辛先居殷

帝庚丁

史記曰帝庚丁在位三十一年崩子武乙立殷復居亳徙河北

厚
厚

紀年曰庚丁居殷

帝武乙

史記曰帝武乙無道為偶人謂之天神與之傳令人為行天神不勝乃戮辱之為革囊盛血仰而射之命曰射天武乙獵於河渭之間暴雷震死子太丁立紀年曰武乙即位居殷三十四年周王季歷朝來武乙賜地三十里五十穀馬八匹帝王世紀曰帝武乙復濟河北徒朝歌

帝太丁

史記曰帝太丁在位三年崩子帝乙立紀年曰太丁三年洹水

一日三絕帝王世紀曰帝文丁一日太丁

帝乙

史記曰帝乙立殷衰帝乙長子曰微子啓母賤不得嗣少子帝辛母正后辛為嗣帝乙崩子辛立天子為之紂紀年曰帝乙處殷二年周人伐商帝王世紀曰帝乙有二妃正妃生三子長子微子啓中曰微仲行小曰受廢妃生箕子年次啓皆賢初啓母之上啓及行也尚為妾及立為后乃生辛帝乙以啓賢且長欲以啓為太子太史據法爭之帝乙乃立辛為太子帝乙即位三十七年

太平御覽卷第八十三

太平御覽卷第八十四

皇王部九

周文王

武王

成王

史記曰周后穆名葉其母有邠氏曰姜嫄姜嫄為帝嚳元妃姜嫄出野見巨人跡心欣然悅之遂踐之而孕居其而生子以為不詳采之隘巷牛羊過者昏避不踐徒置林中適會山林中多人遷而去乘渠中冰上飛鳥以翼復薦之姜嫄以為神遂收養之因名為棄、為兒時遊戲好種樹麻菽溢美及成人遂好耕農相也之宜親稼穡堯聞之舉為農師天下得其利封之於號

邠號曰后穆別姓姬氏后穆之與在唐虞之際皆曰有令得后
稷卒子不窋涉律反

立不窋末年夏后氏襄去稷不務不窋失其官而奔戎狄之間
不窋卒子鞠立鞠卒子公刘立公刘雖戎狄之間復脩后稷之
業務耕種行地宜百姓懷之多從而保歸焉周道興蓋自此也
公刘卒子慶節立國於邠九世至古公亶父復修后穆公刘之
業積德行義國人皆載之音音獫狁音音戎狄攻之欲得地與民
皆怒戰右公曰有民立君將以利之今戎狄所攻戰與吾地與民
之在我與在彼何異以我故戰殺人父子而君之子不忍為

乃以私屬去汾渡滌沮踰梁山止於岐下邠人舉國老弱尽歸
岐下及他旁國聞古公仁亦多歸之於是古公貶戎狄之俗營
築城廓室屋而邑別居之民皆歌頌其德右公有長子曰大曰

次曰虞仲

尚書帝命驗曰秀秋之月甲子赤雀衛母書入鄴止昌戶并稽

首稽首豆至地也至于潘谿之水吕南尚鈞涯吕氏尚名王下趣拜急見也曰

公望七年曰公望我相望

七年言乃今見光景于斯尊之辭斯此也蒼曰望鈞得王璜半壁白璜鈞得

璜刻曰姬受命吕佐旌受天子命也旌理之也逆置車在王躬執驅

不賢也車尊曰左
王身執而驅為 號曰師尚父

周書曰文王昌吾聞之無變右無易常無陰謀無擅制無更創
為此則不詳太公曰夫天下非常一人之天下之國非常一人
之國也莫常有之唯有道者取之古之王者未使民化未賞
民勸不知善俞其如赤子此古善為政也

又曰文王在鎬召太子發曰嗚呼我老矣吾語汝我所保與我
所守傳之子孫吾厚德而廣惠忠信而忘愛吾不偽僞侈不為
太靡不淫於美吾栝柱而茅茨吾為民愛費也春夏育山林不
畀太姜生少季歷季娶太任皆賢婦人生昌有至滯古公云

我世當有興者其在昌乎長子太伯虞仲知父欲立季歷古
公卒季歷是為西伯 曰文后尊后稷公刘之業則古公王
季之法篤仁敬老慈少礼下賢者日中不暇食以待士伯夷叔
齊太顛閑久散宜坐嚮子辛甲之徒皆歸之崇候虎讚於紂曰
西伯積德諸候嚮之將不利於帝紂囚西伯於姜里闕天之徒
乃求有卒氏姜女驪戎文馬因殷嬖臣費仲獻之紂乃赦之紂
喜賜之弓矢斧越使得征伐謂西伯曰愬汝者崇候虎也西伯
乃輒洛之西地以請除炮烙之刑西伯遂為諸候次平虞芮人
有訟不能次諧周入其界見耕者皆讓畔未見西伯而慙相謂

曰吾所爭者周所恥也遂還明年伐犬夷又明年伐密嶺須又
明年伐崇侯虎而徙都於鄴諸侯多歸之都鄴明年而堯太子
發立

帝王世紀曰文王昌龍顏虎肩身長十尺背有四乳晏朝不食
以延四方之士文王合六州之諸侯以朝紂以崇侯之纒而
怒諸侯請送文王棄手程十年正月文王自商至程太妙夢見
商廷生棘太子發取周廷之章梓樹之于闕間梓化為梓栢作
棫堯而驚以告文王王不敢占召太子發命祝以弊告于
宗廟群神然後占之于明堂及發並拜吉夢遂作程寤始文

王繼父為西伯都于雍州之也及受命復無兼梁荆二州化被
于江漢之域於是諸侯歸附之者六州而文王不失臣節先是
文王夢日月之光著身之鬻驚鳴於岐作武象之樂神農氏始
作位絃之琴以其宮商角徵羽之音歷九代至文王復增其二
曰少宮少商文王副位五十年即周書所謂文王受身享國五
十年是也雒書灵往聽曰蒼帝姬昌曰角鳥鼻身長八尺二寸
以成草木之長而慎天時水澤不內舟楫以成魚鱉之長麋不
知以成鳥獸之長畋獵唯時不殺童羊不夭胎童牛不服童馬
不馳不驚澤不行害士不失其宜万物不失其性天下不失其

時又曰文王獨坐靡處法君澡念遠慮召太公望曰帝曰猛暴
無及強梁好武侵凌諸侯若勞天下百姓之怨心生矣其灾予
奚行而得允於無道乎太公曰因其所為且此其化上知天道
乘知大事下知地理乃可以為國焉

詩曰文王在上於昭於天周雖舊邦其命維新

又曰維此文王爾心翼翼昭事上帝半懷多福又曰文王曰咨
汝殷商匪上帝不特殷不用舊詩舍神務曰大任夢長人感
以生文王

春秋元命首曰文王龍顏柔肩望羊柔柔肩言象龍膺曲起

又曰伐殷者為姬昌姬昌之言基始也昌生岐立於豐岐雍州之

也豐亦大精翼曰為日精所羽翼衣青光木神以其遷造而十刻

消遷造西蓋文王為西伯時西方造意東入紂二十刻之開則消滅

又曰文王四乳是謂含良蓋法酒旗布恩舒惠酒者乳也乳天下之謂

春秋感精符曰孔子案錄書含觀五常笑人知姬昌為蒼帝精

孟子曰昔者文王之治岐也耕者九一仕者世祿闕市譏而不

征澤梁無柰罪人不挈言往者文王為西伯時始行王政使岐

氏脩井曰人家耕八伯畝其百畝以為公曰及庠井故曰九一也紂時稅重文王復行古法也仕者世祿賢者干祿必有上也闕以譏唯非常不征稅也羊妻子也詩云樂爾妻挈罪人之子不挈惡也其身不及妻子也汲澤魚梁不設禁與民其也

老而無妻曰鰥老而無夫曰寡老而無子曰獨幼而無父孤此
四者天下之窮而無告者也文王發政施仁必先斯四者
墨子曰赤雀銜珪之岐社曰命周文王伐於殷韓子曰周有王
板紂令矣索之王與也

又曰昔文王侵孟克莒舉豐之事而紂惡之文王惧請入雒西
地赤壤之國方千里以請解炮烙之刑天下皆悅仲老聞之曰
仁哉文王輕千乘之國而請解炮烙之對曰與事動衆以增國
城王曰是重吾罪也不可昌也請解行重善以移之其可以免
之乎於謹其礼秩皮革以文諸侯飭其辭令幣帛以礼豪士

頌其爵列等級田疇以賞群臣無幾可疾乃止

淮南子曰文王歸自商乃為玉門築灵臺相女童鍾鼓

玉門以玉飾門

為柱樞也相女童視之也

以待紂之失也紂聞之曰周伯昌改道易行吾無

憂矣乃為炮烙剖比干剔孕婦絞諫者文王乃遂其謀

又曰文王之特約為天子賦歛無渡絞無止康梁流酒宮中成

市

康梁獸梁酒也成市言之者多

作為炮烙之刑剖諫者剔孕婦天下同

心而若之文王四世累善

太王季文王武王心四時也

修德行義處其周

之間地方不過者百里天下二分歸之文王欲以卑弱制強
暴以為天下去殘除賊而成王道故太公之謀主也

賈誼書曰文王晝臥夢人登城而呼已曰戒東北陬之腐骨
也迷以人君葬我文王曰諾竟召吏視之信有焉文王曰速以
人君葬之吏曰此無主請以五大夫文王曰吾夢中已許之矣
柰何其背也士民聞之曰戒君不已夢之故背腐骨况於生人乎
桓子新論曰文王操者文王之時紂無道爛金為格溢酒為池
宮中相殘骨肉成泥琬室瑤臺謫雲醫風鍾聲雷起疾動天地
文王躬被法度陰行仁義援琴作操故其聲紛以擾駭角震商
琴操曰受命者謂文王受天命文王以討時為岐侯躬修道德
執行仁義百姓附親是時紂為無道剗胎斬涉癸壞三人天統

易運諸侯危解皆歸文王其後有鳳凰御書於郊文王曰殷帝
無道雷亂天下皇命也移不得復久乃作鳳凰之歌曰翼翼翔
鸞皇兮御書來遊以命昌兮瞻天紫圖殷將亡兮蒼兮訃天
始有萌兮五神連精合謀房兮

又曰文王修德百姓親附是時崇侯虎與文王列為諸侯德不
能及文王常嫉妬之乃讚文王於紂曰西伯昌聖人也長子發
中子旦皆聖合謀君其慮之乃曰文之刑

呂氏春秋曰周文王使人扣地得人之骸吏以聞文王曰令
葬之吏曰此無主矣文王曰有天下者天下之主有一國者一

國之主今戒非其主耶遂令以衣棺擲葬之天下聞之曰澤及
枯骨又况於人乎哉或得宝以危其國文王得朽骨以喻其意
故聖人之於物也無不才也

又曰文王處岐事紂寃侮雅孫朝夕必時

雅正孫順紂雖寃枉而侮謾之而文王猶

正順諾侯之禮而不失其恃也

止貢必適祭祀必敬紂喜命文王稱西伯賜

之千里之地文王再拜稽首而辭曰願為民請去炮烙之刑

紂見

屢斗欄人手因作銅柱布大於下令人走其上隨大而死以之為樂以之文王為方之既炮烙故各為炮烙也

文王非惡千里之地也以為民請去炮烙之必得民心得心則
賢於千里之地矣

又曰周文王立八年歲六月文王寢疾五日而地

動東西南北不出周郊百吏皆請曰臣聞地之動也為人主也
今王寢疾五日而地動四面不出周郊群臣皆恐請移文王若
何其移王移姜里將欲殺之於是文王四臣散宜生等乃周流
海內經歷風土得美女二人水中文具白馬朱鬣以獻於紂陳
於中庭紂立出西伯文王在姜里時演易八卦為六十四作鬱
厄之辭困于石據于蒺藜乃申憤以作歌曰殷道溷、浸濁煩
兮朱紫相合不別分兮迷乱声色信纒言兮閔、之虐使戒愆
兮幽閑窅窅由其言兮違我四人憂勤、兮

論紂曰文王飲酒千鍾聖人能以德將酒也

帝王世紀曰文王宴朝不食以延四方之士是以太顛闕天散
宜生南宮适之屬成至為四臣文王雖在諸侯之位襲為西伯
紂既囚文王一一之長不食其子美文王得而食之紂曰誰為
西伯聖者其子美尚不知也

魏陳思王曹植文一一王讚曰於赫聖德寔惟文王三分有二猶
復事商化加商虞為傍暨四方王業克昭武嗣遂光

又文王赤雀贊曰西伯積德天命攸顧赤雀銜書爰集昌戶瑞
為天使和氣所致嗟爾後王昌期而至

周庚信文王見呂尚贊曰言歸養老垂釣西川岸上盤石溪惟
小船風雨未感意氣怡然有此相望于今幾年

武王

書曰武王戎軍三百乘兵車一乘步卒七十三人凡二萬一千
全數也

虎賁三百人虎賁善戰言其孟也與討戰于牧野作收誓尚書中侯曰太

子發以紂存三人附三人箕子比干微子也即位不稱王渡于盟津中

流受文命待天謀白魚躍入王舟王府取魚長三尺赤文有字

題目下名授右右助也天告以伐紂之意是其助也有大自天出于王屋流為赤鳥

五至以穀俱未流行也五至猶五來赤鳥成雀書之福

詩曰考卜維王宅是鎬京維龜正之武王成之禮曰武王纘太

王王季文王之緒一戎衣而有天下身不失天下之顯名尊為

天子福有四海之內宗廟饗之纘繼也緒業也戎兵也衣讀為

又曰昔殷紂亂天下曷鬼侯以饗諸侯是以周公相武王以伐

紂。樂稽耀嘉曰武王承命興師誅于商萬國咸喜軍渡盟津

前歌後舞後乃天安家給人足酌酒爵搖爵椅喜兒也

春秋元命苞曰武王駢蓋是謂剛強承命誅害以順天心

史記曰武王即位太公望為師周公且為輔召公單之徒左右

修文王業九年東觀兵盟津為文王木主載以居中軍自稱太

子發言發也王以發不敢自尊乃告司馬司徒司空遂興師渡

河時諸侯不期而會盟津者八伯諸侯皆曰紂可伐矣武王未

可乃還師居二年聞紂昏亂茲甚剖比干囚箕子太師疵少師

彊抱其樂器而奔周於是武王乃渡盟津以卒馳紂師皆倒

兵戰紂軍潰叛走登鹿臺之上蒙衣其珠玉白燔于大於而死

王遂入至紂死所自紂三發而後下軍車以黃鉞斷紂頭懸太

白之旗紂嬖妾妲也二女皆自殺王又射三發斬以玄鉞懸其

頭小白之旗出復子軍其明日遂除紂宮誓殷氏民即帝位

帝王世紀曰武王自盟津還返于周見臍人王自在擁而右扇

之四年起師至魚水而甲子至于商郊牧野王韞係解五人侍
於前莫肯為王係韞皆臣所以事君王非為係韞也王乃
釋旄而係之與紂戰紂師敗績擒費仲惡來紂赴于京自燔
于宣室而死乃以大旗麾諸侯入殷都百姓咸行於郊王使告
曰上天降休商人皆拜王亦答拜以兵人造紂及妲己王親射
之三發然後下車以劍繫之周公為司徒使以黃鉞斬
紂頭召公為司空又使以玄鉞斬妲己明日天雨王命除道修
社入商宮朝成湯之廟登堂見美女入室見美女王皆取歸之
諸侯天下聞之以廡于才也矣置旌於商容之間釋箕子之囚

散鹿臺之才發鉅橋之粟以賑貧民命南宮括伯達使佚并九
鼎于洛邑命閔大封比干之墓殷民咸喜十年冬王崩于鎬殯
于岐時年九十三歲矣太子誦立為成王

越書曰八伯諸侯皆一旦會於盟津之上不言同辭不呼自來
及知武王忠信欲從伐紂

墨子曰天賜武王黃鳥之旗

淮南子曰武王伐紂渡盟津陽侯之波送流而擊疾風晦曠人
馬不見於是武王左操黃鉞石執白旄瞑目而麾之昌余在天
下誰敢害吾意者於是風濟而波罷

又曰武王克殷欲築宮於五行之山

五行山今太行山也河内野王縣北上臺間

周公曰不可夫五行山固塞險阻之地也使我德能復之則天

下納其貢職者迴也迴也使我我有暴亂之行則天下之伐我唯

周公言我有暴亂之行則天下當來伐我無為於五行之山使天下來伐我者唯也言其衣德不時驗也

此所以三十六世而不奪也

說苑曰武王伐紂過墜斬山過水折舟過在發梁過山

焚來示民無逆志

成王

史記曰成王少周公攝政管叔蔡叔群弟疑周公與武王庚作

亂叛周公奉成王命伐誅武庚管叔蔡叔以微子間伐殷

後國宋周公行政七年成王長周公反政成王北面就群臣之

位成王在鄴使召公復營洛邑如武王之意周公復卜申視卒

營築居九鼎焉曰比天下之中四方入貢道理均作周官典正

禮樂制度於是改而民和睦頌聲興帝王世繼曰周公居家

宰攝政成王年少未能治事故號曰孺子八年王始躬親

王事以周公為太師封伯禽于魯父子並命周公拜于前魯

公拜於後王以周公有勲勞於天下故加魯以四等之上兼

二十四附庸地方七百重革車千乘王既宮都洛邑復居鄴

鎬淮夷徐戎及商奄又叛王乃大蒐於岐陽東伐淮夷七年

王崩年六十奚太子釗代立

淮南子曰成王問政於尹逸曰吾何德行尹使史佚也而民親對曰

使之時而敬順之王曰其度安至曰如臨深淵如履薄冰王曰
懼哉王人乎尹逸曰天地之間四海之內善之則吾蓄也
不善則吾仇也

呂氏春秋曰旦所朝窮巷之中癯牖之士者七十人
文王造之而未遂武王遂而成周公旦抱少主而成
之故曰成王

賈誼書曰周成王問鬻子曰寡人聞聖王在上位使
民富且壽夫富則可為也壽則不在天乎鬻子對曰
聖王在位上則天下無軍兵之事故諸侯不相攻其民
不私聞不相殺也則民免於一死而得一生矣聖王在
上君積於道而吏積於德民積於用故婦人為其取食民
免二死得二生矣聖王在上則君積於人而吏積於愛而民積
於順則刑罰廢無夭過之誅則民免於三死得於三生矣聖王
在上則使民以時而用之有節則民無厲疾矣則民免於四死
得四生矣琴操曰周金勝者周公作金勝書曰也武王薨太子

誦襲武王之業年七歲不能統理海內周鼎改是時周公囚誅
管蔡之後有謗公於王者言公專國人權作萊謀將危社稷
不可置之成王聞之勃然大怒欲囚周公乃奔于魯而死
成王聞公死且傷之且怒之以公礼葬之天乃大暴風稷雨禾
稼皆偃木折傷成王惧發金滕之書見周公取為武王禱命以
身贖之書成王執書而泣曰誰言周公欲危社稷者取所絕公
者而誅之戮於公天乃反風霽而禾稼復起成王作思暴之歌

太平御覽卷第八十四

